

EXORCISMUS

IN SATANAM ET ANGELOS APOSTATICOS

JUSSU LEONIS PP. XIII EDITUS
(Acta Sanctæ Sedis, vol. XXIII)

In nómine Patris et Fílii ✠ et Spíritus Sancti. Amen.

Psalmus 67.

Exsúrgat Deus et dissipéntur inimíci ejus: * et fúgiant qui odérunt eum a fácie ejus.
Sicut déficit fumus defícient; * sicut fluit cera a fácie ígnis, sic péreant peccatóres a fácie Dei

Psalmus 34.

Júdica Dómine nocéntes me; * expúgna impugnántes me.
Confundántur et revereántur * quaeréntes ánimam meam.
Avertántur retrórsum et confundántur, * cogitántes míhi mála.
Fíant támquam púlvis ante fáciem vénti: * et Ángelus Dómini coárcetans eos.
Fiat via illórum ténebrae, et lúbricum: * et Ángelus Dómini pérsequens eos.
Quóniam grátis abscondérunt míhi intéritum láquei sui: * supervácue exprobravérunt ánimam meam.
Véniat illi láqueus quem ignórat; * et cápíio quam abscondit, aprehéndat eum: et in láqueum cádat in ipsum.
Ánima áutem mea exsultábit in Dómino: * et delectábitur super salutári suo.
Glória Pátri, et Fílio, * et Spíritui Sancto.
Sícut érat in princípíio et nunc et semper, * et in saécula saeculórum.
Amen.

Ad S. Michaëlem Archangelum
Precatio

Príncipe gloriosissime cœlestis militiæ, sancte Michaël Archángele, defēde nos in prælio advēsus príncipes et postestates advēsus mundi rectóres tenebrárum harum, contra spirituália nequitiae, in cœlestibus. Veni in auxiliū hóminum: quos Deus ad imáginem similitúdinis suæ fecit, et a tyránnide diaboli emit prætio magno. Præliáre hodie cum beatórum Angelórum exercitu proélia Dómini, sicut pugnásti ólim contra duce[m] supérbiae luciferum, et ángelos ejus apostáticos: et non valuérunt, neque locus invéntus est eórum ámplius in coélo. Sed projéctus est draco ille magnus, sérpens antíquus, qui vocatur diábolus et sátanas, qui sedúcit univérsum orbem; et projéctus est in terram, et ángeli ejus cum illo missi sunt. En antiquus inimicus et homicída veheménte[re] eréctus est. Transfigurátus in ángelum lucis, cum tota malignórum spirítuum catérva late circuit et invádit terram, ut in ea déleat nómen Dei et Christi ejus, animásque ad æténa glóriæ corónam destinátas furétur, máctet ac pérdat in sempitérnum intéritum. Virus nequitiæ suæ, támquam flumen immundíssimum, draco maléficus transfúndit in hómines depravátos mente et corrúptos corde; spiritum mendáccii, impietátis et blasphemíæ; halitúmque mortíferum luxúriæ, vitiórum ómnium et iniquitátum. ECCLÉSIAM, AGNI IMMACULÁTI SPONSAM, FAVÉRRIMI HOSTES REPLEVÉRUNT AMARITUDÍNIBUS, INEBRIÁRUNT ABSÍNTHIO; AD ÓMNI[A] DESIDERABÍLIA EJUS ÍMPIAS MISÉRUNT MANUS. UBI SEDES BEATÍSSIMI PETRI ET CÁTHEDRA VERITÁTIS AD LUCEM GÉNTIUM CONSTITÚTA EST, IBI THRÓNUM POSUÉRUNT ABOMINATIÓNIS ET IMPIETÁTIS SUÆ; UT PERCÚSSO PASTORE, ET GRÉGEM DISPÉRDERE VÁLEANT. Adésto ítaque, Dux invictíssime, pópulo Dei contra irrumpénte[s] spirituáles nequítias, et fac victóriam. Te custódem et patrónum sancta venerátur Ecclési[a]; te gloriátur defensóre advēsus terréstrium et infernórum nefárias potestates; tibi trádidit Dóminus ánimas redemptórum in supérna felicitáte locándas. Deprecáre Deum pacis, ut cónterat sátanam sub pédibus nostris, ne últra váleat captívos tenére hómines, et Ecclésiæ nocere. Offer nostras preces in conspéctu Altíssimi, ut cito anticipent nos misericórdiæ Dómini, et apprehénda[s] draconem, serpénte[m] antíquum, qui est diábolus et sátanas, ac ligátum mittas in abyssum, ut non sedúcat ámplius gentes. Hinc tuo confísi præsidio ac tutela, sacra sánc[t]æ Mátris Ecclésiæ auctoritáte (si fuerit clericus: sacri ministérii nostri auctoritate), ad infestatióne[s] diabólicæ fráudis repellénda[s] in nómine Jesu Christi Dei et Dòmini nostri fidénte[s] et secúri agrédimur.

℣. Ecce Crucem Dómini: fúgite, partes advérsæ.

℞. Vicit Leo de tribu Juda, radix David.

℣. Fiat misericórdia tua, Dómine, super nos.

℞. Quemádmódum sperávimus in te.

(si fuerit clericus: ℣. Dóminus vobíscum

℞. Et cum spírítu tuo.)

Orémus.

Oratio

Deus, et páter Dómini nóstri Jesu Christi, invocámus nómen sánctum tuum, et cleméntiam tuam súpplíces expóscimus: ut per intercessiÓNem immaculátae semper Vírginis Dei Genitrícis Maríae, beáti Michaélis Archángeli, beáti Jóseph ejúsdem beátae Vírginis Sponsi, beatórum Apostolórum Pétri et Páuli et ómnium Sanctórum, advérsus sátanam, omnésque álios immúndos spírítus, qui ad nocéndum húmáno géneri animásque perdéndas pervagántur in mún-do, nóbis auxílium praestáre dignéris. Per eúmdem Chrístum Dóminum nóstrum. Amen.

Exorcismus

EXORCIZÁMUS te, ómnis immúnde spírítus, ómnis satánica potéstas, ómnis incúrsio infernális adversárii, ómnis légio, ómnis congregátio et secta diabólica, in nómine et virtúte Dómini nostri Iesu ✠ Christi, eradícare et effugáre a Dei Ecclésia, ab animábus ad imáginem Dei cónditis ac pretiósó divini Agni sángine redéptis ✠. Non ultra áudeas, sérpens callidíssime, decípere húmánum genus, Dei Ecclésiam pérsequi, ac Dei eléctos excútere et cribráre sicut tríticum. ✠ Imperat tibi Deus Altíssimus ✠, cui in magna tua supérbia te símilem habéri adhuc præsúmíis; qui ómnes hómínes vult salvos fieri, et ad agnitiónem veritátis venire. Imperat tibi Deus Pater ✠; Imperat tibi Deus Fílius ✠; Imperat tibi Deus Spírítus Sanctus ✠. Imperat tibi majéstas Christi, ætérnum Dei Verbum caro factum ✠, qui pro salúte géneris nostri tua invídía pérditi, humiliávit semetípsum factus obédiens usque ad mortem; qui Ecclésiam suam ædificávit supra fírmam pétram et portas ínferi advérsus eam numquam esse prævalitúras edíxit, cum ea ipse permansúrus ómnibus diébus úsque ad consummationem saéculi. Imperat tibi sacraméntum Crucis ✠, omniúmque cristiánæ fídei Mysteriórum virtus ✠. Imperat tibi excélsa Dei Génitrix Virgo Maria ✠, quæ superbíssimum caput tuum a primo instánti immaculátae suæ Conceptiónis in sua humilitáte contrivit. Imperat tibi fides sanctórum Apostolórum Petri et Pauli ceterorúmque Apostolórum ✠. Imperat tibi Mártyrum sanguis, ac pia Sanctórum et Sanctárum ómnium intercésio ✠. Ergo, draco maledícte et ómnis légio diabólica, adjurámus te per

Deum ✠ vivum, per Deum ✠ verum, per Deum ✠ sanctum, per Deum, qui sic diléxit mundum, ut Fílium suum unigénitum dáret, ut ómnis, qui credit in eum, non péreat, sed hábeat vitam ætérnam; cessa decípere humánas creatúras, eisque ætérnæ perditionis venénium propináre: désine Ecclésiæ nocére et eius libertáti láqueos injícere. Vade, sátana, invéntor et magíster omnis falláciæ, hostis humánæ salútis. Da locum Christo, in quo nihil invenísti de opéribus tuis: da locum Ecclésiæ unæ, sanctæ, cathólicæ et Apostólicæ, quam Christus ipse acquisívit ságuine suo. Humiliáre sub poténti manu Dei; contremísce et éffuge, invocáto a nobis sancto et terríbili Nómine Iesu, quem ínferi trémunt, cui Virtútes cœlórum et Potestátes et Dominatiónes subiéctæ sunt; quem Chérubim et Séraphim indeféssis vóci-bus láudant, dicéntes: Sanctus, Sanctus, Sanctus, Dóminus Deus Sabaoth.

℣. Dómine, exáudi oratió-nem meam.

℞. Et clámor meus ad te véniat.

(Si fuerit clericus: ℣. Dóminus vobíscum.

℞. Et cum spírito tuo.)

Orémus.

Oratio

Deus cæli, Deus terræ, Deus Angelórum, Deus Archangelórum, Deus Patriarchárum, Deus Prophetárum, Deus Apostolórum, Deus Mártyrum, Deus Confessórum, Deus Virginum, Deus qui potestátem habes donáre vitam post mortem, réquiem post labórem: quia non est Deus præter te, nec esse potest nisi tu, créator ómnium visibílium et invisibílium, cujus regni non erit finis: humíliter majestati glóriæ tuæ suplicá-mus, ut ab omni inférnálium spírítuum potestáte, láqueo decepti-óne et nequítia nos poténter liberáre, et incólumes custodíre dignéris. Per Christum Dóminum nostrum.

℞. Amen.

℣. Ab insídiis diáboli,

℞. Libera nos, Dómine.

℣. Ut Ecclésiám tuam secúra tibi fácias libertáte servire,

℞. Te rogá-mus, audi nos.

℣. Ut inimícos sanctæ Ecclésiæ humiliáre dignéris,

℞. Te rogá-mus, audi nos.

Et aspergatur locus aqua benedicta.